

Headlines

- रक्षा मंत्री राजनाथ सिंह होरें आखेआ ऐ जे सरकार दा लक्ष्य अगले 5एं ब'रें च मुख्य दे रक्षा निर्यात गी बधाइयै 50 ज्हार करोड़ रपे तगर पजाना ऐ ।
- पुलस महानिदेशक आर.आर.स्वैन होरें आखेआ ऐ जे पुलस ते सुरक्षा अजेंसियां जम्मू खित्ते च विदेश आतंकवादिएं गी बनकदा परता देने लेई अपने सारे संसाधने दा इस्तेमाल करा'रदियां न ।
- उपराज्यपाल होरें सेहत सरबंधी सेवाएं गी लोक आधारितरू किफायती ते बेहतर बनाने लेई बल दित्ता ।
- जम्मू कश्मीर दे स्कूलें च राश्ट्रीय गान लाजमी करी दित्ता गेआ ऐ ।

<><><><><><>

Rajnath Singh Charge

रक्षा मंत्री राजनाथ सिंह होरें आखेआ ऐ जे अगले 5 ब'रे च मुख्य दे रक्षा निर्यात गी बधाइयै 50 ज्हार करोड़ रपे तगर करने दा लक्ष्य रखेआ ऐ । अपने मंत्रालय दा कम्मकाज संभालने मगरा रक्षा मंत्री होरें आखेआ जे भारत हुनै तगर 21 ज्हार करोड़ रपे थमां मते दा रक्ष सरबंधी समेयान निर्यात करी चुके दा ऐ । उनें एह बी दस्सेआ जे सरकार इक मजबूत ते आत्म निर्भर भारत विकसित करने दी इच्छुक ऐ । उनें इक बैठक दी बी अध्यक्षता कीती जेहदे च मंत्रालय दे पैहले 100 दिनें दी कार्ययोजना पर चर्चा होई । इस दरान मुख्य ध्यान साबका फौजिएं दी भलाई पर दित्ता गेआ । उनें गलाया जे मुख्य दी रक्षा ते सुरक्षाबलें दा कल्याण सरकार दी प्राथमिकता ऐ ।

<><><><><><>

MEA

7 जून गी चीन ते पाकिस्तान आस्सेआ दित्ते गेदे ब्यान च जम्मू कश्मीर दे हवाले आली गल्ल गी भारत नै पूरी चाल्ली खारज करी दित्ता ऐ । मीडिया दे सुआलें दा परता दिंदे होई विदेश मंत्रालय

दे प्रवक्ता रंधीर जयसवाल होरें आखेआ जे जम्मू ते कश्मीर ते लद्दाख भारत दे अनत्रुट हिस्सा ऐ, हैन ते म्हेशां रौंहगन। उनें आखेआ जे कुसै बी होर दुए मुख् कश इस बारे टिप्पणी करने दा कोई आधार ते हक्क नेई ऐ।

<><><><><><><>

DGP-Jammu

पुलस महानिदेशक आर.आर.स्वैन होरें आखेआ जे पुलस ते सुरक्षा अजेंसियां जम्मू खित्ते च विदेशी आतंकवादिं गी बनकदा परता देने लेई अपने सारे संसाधने दा इस्तेमाल करा'रदियां न। सुरक्षा बलें गी स्तर्क, सौहगा ते चौकस रौहने ते आपूं चे तालमेल बनाने लेई गलाया गेआ ऐ। कठुआ जिले दे सुरक्षा हालात दा जायजा लैने मगरा जम्मू च पत्रकारें कन्नै गल्ल करदे होई उनें आखेआ जे एह साफ ऐ जे जम्मू खित्ते च विदेशी आतंकवादिं दी घुसपैठ कीह कराई गई ऐ। इस करी खित्ते च सुरक्षा चुनौतियां पैदा होइयां न। उनें आखेआ जे आतंकवादिं दे आका जिसलै मकामी लोकें गी आतंकवाद च शामिल करोआने च नाकाम रौंहदे न तां फही ओह कब्जा रेखा दे उस भेठा दा आतंकवादिं गी इस भेठा घुसपैठ करोआंदे न तां जे शांतिपूर्ण माहौल गी बगाड़ेआ जाई सकै। पुलस ते होर दुइयां सुरक्षा अजेंसियां आतंकवादिं गी बनकदा परता देने लेई हर संभव कोशश करा'रदियां न। डीजीपी होरें आखेआ जे जम्मू खित्ते दी कठिन ते चुनौतीपूर्ण भुगौलिक परिस्थिति ऐ। उनें आखेआ जे किश तत्व अपने जमीर गी किश पैसे ते नशीले पद्धार्थ लेई बेची दिंदे न। इत्थें एह दस्सना लाजमी ऐ जे पिछले किश दिनें थमां कठुआ, रियासी, भद्रवाह ते डोडा च आतंकवादी हमले ते टाकरे होए। इत्थें सुरक्षा स्थिति गंभीर बनी दी ऐ। उपराज्यपाल मनोज सिन्हा होरें जम्मू च 11 जून गी इक उच्च सतह दी सुरक्षा जायजा बैठक लाई। 12 जून गी कठुआ च होए दे टाकरे च 2 विदेशी आतंकवादी मारे गे ते सीआरपीएफ दा इक जुआन शहीद होई गेआ। इस टाकरे च इक आम नागरिक बी घायल होआ। जम्मू दे एडीजीपी आनंद जैन हुंदे मूजब कठुआ रियासी इलाके च किश होर आतंकवादी मजूद होई सकदे न ते तपाशी अभियान जारी ऐ।

<><><><><><><>

JK Terroirst Sketch

सुरक्षाबलें डोडा जिले दी गंदोह थाहर दे कोटा टॉप इलाके च तपाशी अभियान होर बी व्यापक करी दित्ता ऐ। एह तपाशी अभियान कल रातीं आतंकवादिं ते एसओजी बश्कार होई दी गोलीबारी मगरा

होर बी व्यापक करी दित्ता ऐ। इस गोलीबारी च एसओजी दा कांस्टेबल घायल होई गेआ। आतंकवादिएं गी फगड़ने लेई जतनें गी तेज करी दित्ता गेआ ऐ। सुरक्षाबलें आस्सेआ जंगल च तपाशी अभियान चलाया गेआ ऐ ते घर पकड़ लेई होर सरबंधी तरीकाकार बी अपनाए जा दे न।

<><><><><><>

Terrorist Sketch

पुलस नै डोडा जिले च होए दे 2 आतंकवादी हमले च शामिल 4 आतंकवादिएं गी फगड़ने लेई अभियान होर तेज करी दित्ता ऐ। प्रशासन नै आतंकवादिए दे स्कैच जारी कीते न। मन्नेआ जा'रदा ऐ जे एह आतंकवादी भद्रवाह, ठाकरी ते गंदोह आले जंगलें च छप्पे दे न। पुलस नै इंदी जानकारी देने आले गी 5 लक्ख रपे देने दी घोषणा कीती ऐ। जानकारी देने आले दी पंछान गी सार्वजनिक नेई कीता जाग। पुलस आस्सेआ नाके पर गड्डिएं दी जांच कीती जा'रदी ऐ, सुरक्षा इंतजाम होर पुख्ता कीते गे न। पुलस नै बक्ख-बक्ख अफसरें दे नंबर बी जारी कीते न ते लोकें गी आगह कीता ऐ जे ओह कोई बी शूबे आली हरकत दिक्खे जाने पर दित्ते गेदे नंबर पर पुलस कन्नै राबता करन। 9469076014 ।

<><><><><><>

LG-Health Cares

उपराज्यपाल मनोज सिन्हा होरें सिविल सचिवालय च Skims दी गवर्निंग बॉडी दी बैठक दी अध्यक्षता कीती। Skims सौरा श्रीनगर दी गवर्निंग बॉडी दा परतियै गठन होने मगरा एह पैहली पैहली बैठक ही। बैठक दरान मरीजें दी दिक्ख-भाल सरबंधी सेवाएं दे बक्ख-बक्ख पैहलु पर चर्चा होई। तां जे मरीजें गी किफायती भाएं पर सेहत सुविधा हासल होई सकन। गवर्निंग बॉडी दे मिंबरें बी अपने सुझाह दित्ते ते अपने बचार रखे तां जे Skims च सेहत सरबंधी सुविधाएं गी होर बेहतर बनाया जाई सकै।

<><><><><><>

NEET-Retest

मैडिकल प्रवेश परीक्षा—नीट यूजी च शामिल होए दे उनें सब्बने इक जहार 563 मेदवारें दा परतियै मतेयान 23 जून गी होग, जिनें गी मतेयान च ग्रेस जां फही पूरक अंक थ्होए न। जारी इक अधिसूचना च राष्ट्र परीक्षा अजेसी नीट नै आखेआ ऐ जे ओह तौले गै इक सार्वजनिक सूचना जारी करोग ते इनें मेदवारें थमां ईमेल दे माध्यम राएं बी संपर्क करोग तां जे एह जकीनी कीता जाई सकै जे उनेंगी अधिकरिक जानकारी हासल होई गई ऐ। एनटीए नै आखेआ जे परतियै परीक्षा दा फैसला एनटीए दी बडे मते इख्तेयारें आली समिति दी रिपोर्ट पर सुप्रीम कोर्ट दी टिप्पणी दे मूजब लैता गेआ ऐ। सब्बने इक जहार 563 मेदवारें गी दित्ते गेदे ग्रेस जां पूरक अंक वापस लेई लैते गे न। तोआई केन्द्रीय शिक्षा मंत्री धर्मेन्द्र प्रधान होरें नीट—यूजी परीक्षा दे पेपर कथित तौर लीक होने दी गल्ला थमां इंकार कीता ऐ। उनें इस गल्ला पर जोर दित्ता जे नीट परीक्षा च कोई भ्रष्टाचार नेई ऐ।

<><><><><><><><>

JK National Anthem

स्कूली शिक्षा विभाग नै पूरे जम्मू कश्मीर केन्द्र शासत प्रदेश दे स्कूलें च बडलै होने आली असेंबली आस्तै नमें दिशा—निर्देश जारी कीते न। आकाशवाणी जम्मू दे संवाददाता नै जानकारी दित्ती ऐ जे सब्बने स्कूलें च बडलै आली असेंबली दी शुरूआत राष्ट्रगान कन्नै कीती जा। राष्ट्रीय शिक्षा नीति—2022 तैहत विद्यार्थिं दे हुनर गी बढ़ावा देने लेइ हर रोज त्रै थमां चार विद्यार्थी जां शिक्षक बक्ख—बक्ख विशें उप्पर गल्लबात करगंन। मैहकमे नै आखेआ ऐ जे बडलै दी असेंबली ऐतिहासिक तौरा उप्पर नैतिकता जनेह् मुख्बें गी बढ़ावा देने लेई इक मंच दे तौरा पर कम्म करदी ऐ। मैहकमें दे निर्देशें मूजब असेंबली 20एं मिंटे तगर चल्लोग, जित्थें सब्बने विद्यार्थिं ते शिक्षकें गी इक थाहरा पर किट्ठा होना होग। नमें दिशा निर्देशें मूजब मुख्ब परौहने गी बडलै दी असेंबली च लैक्चर देने आस्तै सददेआ जाग, जिंदे च माता—पिता, लेखक, नेता ते माहिर शामिल न।

<><><><><><><><>

CRPF

जम्मू श्रीनगर राष्ट्रीय जरनैली शिड़का पर रामबन जिले दे बैटरी चश्मे कश सीआरपीएफ दी इक गड्डी गी अगग लग्गी गई। आकाशवाणी जम्मू दे संवाददाता दी जानकारी मताबक एह बस सीआरपीएफ दी कानवाई कन्नै जम्मू जा'रदी ही। एह हादसा इंजन च तारै दे शॉट सर्कट होने करी

पेश आया। उंआ बस च सुआर कुसै सीआरपीएफ दे जवान सुरक्षत न ते इस घटना च कुसै गी बी कोई नुक्सान नेई पुज्जा।

<><><><><><><>

Poonach Green House

पुंछ जिले च राई-बाई खेत्तर च विकास आनने आस्तै राई-बाई मैहकमे नै अश्वनी कुमार दे खेत्तरें च आधुनिक तकनीकें कन्ने लैस पैहला पालीग्रीन हाउस स्थापत कीता ऐ। एह आधुनिक सुविधा सग्र राई-बाई विकास कार्यक्रम दे तैहत उपलब्ध करोआई गई ऐ। इस कार्यक्रम तैहत मकामी करसानें गी 95 फीसदी यानि 20 लक्ख 58 ज्हार रुपें तगर सबसिडी दित्ती जा'रदी ऐ। पुंछ जिले दे रौहने आले मकामी करसान अश्वनी कुमार इस पैहल च सब्बने थमां अग्गे न। पाली ग्रीन हाउस च 1 कनाल जमीन च नमीं तकनीकें ते बुनियादी ढांचे दा निर्माण कीता गेआ ऐ। इसलै अश्वनी कुमार नै अपने पोली ग्रीन हाउस च बगैर बीएं आले खीरे, लाल टमाटरें ते बक्खरे-बक्खरें रंगें आली शिमला मिर्च दी रड़ कीती दी ऐ। अश्वनी कुमार होरें आखेआ ऐ जे इस पाली ग्रीन हाउस कन्ने मेरी औंदन दो ग ँणा बधी गई ऐ ते में 5-6 लोकें गी रोजगार बी दित्ता ऐ।

<><><><><><><>

Essay Writing

सांबा जिले दे जागतें दे हायर सकैंडरी स्कूल च कल "A Living Witness An essay through the eye of a tree" विशे इक जिला सतह दी निबंध लेखन प्रतियोगिता दा आयोजन कीता गेआ। मते सारे विद्यार्थिं इस प्रतियोगिता च हिस्सा लैता। इस कार्यक्रम च डीईपीओ बीशाम्बर दास शर्मा मेजबानी करा'रदे स्कूल दी प्रिंसिपल भावना अबरोल कुड़िं दे हायर सकैंडरी स्कूल दे प्रिंसिपल सत्तपाल शर्मा ते माहिरें बी मजूद हे। प्रतियोगिता च नंदपुर दी कुड़िं दे हायर सकैंडरी स्कूल थमां कशिश चौधरी नै पैहला थाहर हासल कीता। सांबा दी कुड़िं दे हायर सकैंडरी स्कूल थमां दामिनी संभ्याल नै दूआ थाहर हासल कीता ते झक्ख हायर सकैंडरी स्कूलदी जानवी राजपूत नै त्रीआ थाहर हासल कीता। पैहले त्रऊं विजेताएं गी स्मृति चिन्ह दित्ते गे जिसलै जे होरने हिस्सा लैने आलें गी ऐपरीसियेशन सर्टिफिकेट दित्ते गे।

<><><><><><><>

JKSC Footbal

जम्मू कश्मीर दी स्पोर्टस काउंसिल फुटबाल अकादमी गी सम्मानत एआईएफएफ ब्लू कब्स विकास केन्द्र दी पैहलकदमी लेई चुनेआ गेआ ऐ ते अखिल भारतीय फुटबाल फ़ैडरेशन आस्सेआ इसगी सर्वश्रेष्ठ ग्रांरुट केन्द्र 2023–24 दे तौरा पर मान्यता दित्ती गई ऐ। जमीनी सतह पर फुटबाल प्रतिभा गी विकसित करने च इक बड्डी गैह ऐ। एआईएफएफ ब्लू कब्स विकास केन्द्र दा मकसद फुटबालखेड्डने आले युवा खडारिएं गी पेशेवर सिखलाई देने दा ऐ। जेहदे कन्नै इक नमीं पीढ़ी दे फुटबाल खडारिएं च नमां जज्बा पैदा होग ते जम्मू कश्मीर च इस खेड्ड लेई नमां म्यार बनी जाग।

<><><><><><>

IMD

भारती मौसम विभाग नै अगले 3–4 दिनें तगर जम्मू कश्मीर सनें उत्तराखंड, पंजाब, हरियाणा, चंडीगढ़, दिल्ली, मध्यप्रदेश , हिमाचल प्रदेश ते ओडिशा च मती थमां मती गर्मी पौने दी पेशगोई कीती ऐ।

<><><><><><>

